



14. marts 2012

Inatsisartut suleriaasianni § 37, immikkoortoq 1 naapertorlugu matumuuna imaattumik Naalackersuisunut apeqquteqarpugut:

Apeqqut: Aangajaarniutinik atuinermi ajornartorsiutip annertusiartuinnarnera akiorniarlugu qanoq Naalackersuisuniik iliuuseqartoqartoqarniarpa? Qaammatit sisamat (4) ingerlanerinnaani 15 %-it anaanangortut naartunerup nalaani Hash-imik atuisuusimasut oqaatigineqarpoq, meerartaarineqartullu inunnguinnartut intensiv-imi nakkutigineqartariaqartarsimasut.

(Inatsisartuni ilaasortat Siverth K. Heilmann, Knud Kristiansen, ATASSUT)

Tungavilersuut:

Piffissami kingullermi tusagassiuutit aqutigalugit annertuumik sammineqarpoq, aangajaarniutinik atuinerup kingunerisaanik aanaanasut hash-imik atuisarsimasut allaammi qaammatit sisamat (4) ingerlanerinnaani Nuummiinnaq 15 %-it angullugit meerartaarnerminni Hash-imik atuisuusut paasineqarsimasut aammalu meerannguit inunnguinnartut intensiv-imi nakkutigineqartariaqartarsimasut.

Taakku saniatigut tusarsaaleraluttuinnarpoq atuartut ukiukitsut aamma aanngajaarniutit pissarsiarinnaanerani ajornannginneraasut oqattaarsisarsimasut tusarsaaleraluttuinnarnera ATASSUT-miit assut isumakuluttartut tiguvarput.

Nalungilarput pinaveersaartitsineq siunertaralugu Paarisa-lu siuttoralugu nunatsinni suliniarluartoqaraluartoq, ajoraluar-tumilli peqqinnissaqarfinni, kommuuneqarfinni il.il. ikiaroortartumik akiuiniarneq sakkortusiartuinnarani ukiukitsut isertuaratik misileraasalersimanerminnik oqariartuuteqartarnerat assut isumakulunnarpoq.

ATASSUT-miit akuerisinnaangilluinnarparput, meerannguit inoorlaat pisuussuteqanngitsut peroriartornerminni innarler-neqarsinnaanerat anaanaasut mianersuaallioqalutik inerteqqu-taasumillu hash-imik atuisarnerat. ATASSUT-miit neriuti-ginngilluinnarparput siusinnerusukkut massakkullu inatsisartuni qinigaasutut issiasut ilaasa inuusunnerup nalaani ikiaroor-nartumik ooqattaarsisarsimanerminnik tusagassiuutitit aqputigalugit tusarliisarnermi ukiukitsuniik nuannaartorineqalersimas-sasut.

Ajornartorsiutip inuiaqatigiinni alliartuinnartutut isikkoqartup tamatta suleqatigiinnitsigut akiorniagassaraarput, taamaattoq Naalackersuisut qanoq iliuuseqalersaarnersut ATASSUT-miit paasisaqarfigerusupparput.

Neriutigalugu akissuteqarnissamut piffissaliussap iluani akineqarumaarluta.